

ngungu' sinu

maki utux ryax mosa lata tanux hoyin, maki cka tu'iy mita kacing cyu miyi ngungu' nya kmayan; ngungu' ngungu' myasa su ci texan, ana ga lalu ba'un su? hoyin hani kyalun nya kacing ma; maki he su ngungu' su hani ga ble calay texan, ana ga ini su ba'iy san kenu ckaw ngungu' su nanak, si bi'iy c'oli la. heya nanak cyu kmayan nku kacing hani; ima ngungu' thoyay minas kmyasa ngungu' mu? nanu kacing hani ga mlu hoyin mosa mita ima mosa thoyay minas kmyasa ngungu' nya, texan naha utux piyux ptasan na ngungu', ima kwaca? cyu maki gelan uyuk welung trahu kmayan ma ima ngungu' thoyay minas ble texan nku ngungu' mu ru ba' malang walax ba' sawas kilux? texan nku kacing ngungu' na cingang wilung ga knmyasa ci texan ru ba' mltu he uyi ru kyalung nya hoyin ma; ima kwani? kmayan hoyin ga cingang wilung kwaca, piyux ci ptasan ngungu' nya.

mosa loyi naha haca, kwe lga mita nku nyu s'un mno ngungu' nya nanak, sinu lalu kiya la? kmayan nku hoyin; 'ngyaw kiya, sli ci mno ngungu' nya nanak, si kusa hng ma, ini sogan mita.

mosa mhngi beh iyik khoni, beh bawi khoni cyu slobit kya yungay, yungay hani tna'un nya burangko nku khoni slobit kya, nyu slobit ga, ya'eh

hayi ksli nku kacing kmayan ma; ima kwani? nyu ta nya ini texi nyu ta mhngi hani? cmyuk kmayan nku yungay; ini ba'iy ki! nyu mu tlaman ngungu' mu kyan lokah ga ungat lokah nya, siga stna caku lalu ya'eh na yaw ga stama caku ngungu mu mwah rmaw psri ya'eh na yaw. kmayan nku hoyin ma: ana, mosa myan la, slobit loyi ga isu.

mosa khani khani, tu'iy hani ga nyu mwah utux yani ci olit texan nku kryasan na utux sinu, nyu min bway nni'un 'ba nya, kmayan kacing ma: lalu kwani loyi? olit kwani? cyu kmayan hoyin ga; iyat 、iyat, bhot kwani, kba'an ci karaw khoni.

nyu m'uyay nbwas na putut, mita utux kacing, memaw spito ci mlaka mosa kmat siban nya muyux na kacing ptngi m'uyay na nbwas nya, cyu memaw ma agay agay mngayu nku kacing, san maku kenu posa nyu turu mu putut hani la? nahay posa cika putut hani. kmayan nku hoyin maha: nahay yani ngungu' su slayi putut haca lga masu la.

動物的尾巴

有天小黃狗對牛說：「你不瞭解尾巴，不如送人吧。」牛跟著小黃狗去看誰可以比過牠的尾巴，看到了小雞、公雞、貓、猴子、松鼠，最後遇見了饑餓的蚊子，被叮得唉唉叫，請小黃狗幫忙趕走蚊子。小黃狗說：「快搖動尾巴把蚊子驅趕走就可以了」。

牛恍然大悟，尾巴不只是身上的一部份，還可以驅趕蚊子，應更加愛惜。